

31 декабря, Мч. Севасти́ан Медиоланский и дружина его

ВЕЧЕРНЯ

Стихиры на «Господи, воззвах»

Канонарх: Глас 4, Гóсподи, воззва́х к Тебе́, услы́ши мя.

Лик: Гóсподи, воззва́х к Тебе́, услы́ши мя./ Услы́ши мя, Гóсподи./ Гóсподи, воззва́х к Тебе́, услы́ши мя:/ вонми́ гласу мо́ления моего́,/ внегда́ воззвати ми к Тебе́.// Услы́ши мя, Гóсподи.

Да испра́вится моли́тва моя́,/ я́ко кади́ло пред Тобо́ю,/ воздея́ние руку́ моёю/ жéртва вечерняя. // Услы́ши мя, Гóсподи.

Глас 4, среда на 3

На 6, стих: А́ще беззако́ния на́зриши, Гóсподи, Гóсподи, кто постои́т? / Я́ко у Тебе́ очище́ние есть.

На Крéст воздвига́ем,/ и копи́ем пробода́ем,/ и пёрсты окровавля́ем Влады́ко,/ свобожде́ние подписа́л еси́ на́м, Преблагий,/ и рукописа́ние Ада́ма прароди́теля растерза́в,/ свободи́л еси́ челове́ческое существо́./ Сего́ ра́ди воспева́ем, Ще́дре, // ю́же па́че ума́ Твою́ благосты́ню.

Стих: И́мене ра́ди Твоего́ потерпéх Тя, Гóсподи, потерпé душа́ моя́ в сло́во Твое́, /

упова́ душа́ моя́ на Гóспода.

Воспева́ем Твоя́ страда́ния, Влады́ко Иисусе:/ Крéст, копи́е же и трóсть, губу́ и гво́здя,/ би́ения, багряни́цу, и вене́ц

31 декабря, Мч. Севасти́ан Медиоланский и дружина его

от тёрния,/ оплевáния же и поругáния, яже претерпéл еси́ волею./ Велича́ю Твоё незлóбиве,/ Еди́не Жизнода́вче долготерпéние, // и véрою славослóвлю Тя, Человеколю́бче.

На 4, стих: От стра́жи у́тренния до но́щи, от стра́жи у́тренния, / да упова́ет Изра́иль на Го́спода.

Кресту́ Твоему́ честнóму поклоня́юся, Преблагíй,/ лю́бовию облобыза́я,/ и сла́влю Твоё е́же па́че ума́ соше́ствие,/ безме́рную ми́лость и неизрече́нныя щедрóты,/ и богáтую благосты́ню,/ ея́же ра́ди спáсл еси́ челове́ческое естество́,/ содержи́мо бывшее во тьме́ прегрешéний. // Сла́ва, Христé, распя́тию Твоему́.

Мч. Севасти́ан Медиоланский и дружина его

Глас 1: Стих: Яко у Го́спода ми́лость, и мно́гое у Него́ избавлéние, / и То́й изба́вит Изра́иля от все́х беззакóний его́.

Кровéй твои́х честны́х обагрéньми, мучени́че,/ устро́ил еси́ тебе́ самому́ порфи́ру многоце́нну,/ в ню́же оде́явся,/ живéши вои́стинну в Вы́шнем Цáрствии,/ Бо́гу Всецарю́ предсто́я./ Того́ моли́ дарова́ти душáм нáшим // мир и véлию ми́лость.

На 2, стих: Хвалíte Го́спода все́ язы́цы, / похвалíte Его́ все́ лю́дие.

С Севасти́аном стра́ждет Зо́й,/ Марк и Маркелли́н и Богому́дрый Тиву́ртий,/ претерпéвше трево́лнения болéзней,/ и ны́не всели́шася к небо́лезненному и

31 декабря, Мч. Севасти́ан Медиоланский и дружина его

Божественному упоко́ению,/ в нёмже мо́лятся// дарова́ти
душáм нáшим мир и вéлию мíлость.

Стих: Яко утверди́ся мíлость Его́ на нас, /
и и́стина Господня пребывáет во вéк.

Непобедíмии мученицы,/ земли́ земна́я оста́вьше, к
Небесём востекóсте,/ ва́шими рáнами укра́шени/ и чест-
ны́ми страдáнии свéтло упещрёни, блаже́ннии./ Тёмже мо-
литесь// дарова́ти душáм нáшим мир и вéлию мíлость.

Сла́ва, и ныне, глас 1: Слава Отцу́, и Сы́ну, и Свято́му Ду́ху, /
и ны́не, и прíсно, и во вéки веко́в. Ами́нь.

Де́ва Несквёрная,/ иногда́ на Дре́ве ви́девши,/ Его́же роди́
из безсе́менныя утробы́,/ не терпя́щи утробнаго
уязвлéния,/ власы́ терза́ющи, глаго́лаше:/ ма́нием
Содержáй тварь всю,/ ка́ко, я́ко осужде́нный,/ на Крест
вознесён еси́,// вся́ко хотя́й спасти́ челове́чество?

Стихиры на стиховне

Глас 4, среда на 3

Канонарх: Глас 4, Ору́жие непобедíмое, Христé,

Лик: Ору́жие непобедíмое, Христé,/ Крéст Тво́й дал еси́
на́м:// и сём побежда́ем прило́ги чужда́го.

Стих: К Тебé возведóх óчи мо́и живúщему на Небеси́. Сé я́ко óчи
раб в руку́ господий свои́х, я́ко óчи рабы́ни в руку́ госпожи́ своея́,
та́ко óчи нáши ко Господу́ Бо́гу нáшему, /
дóндеже ущéдрит ны́.

Всегда́ имúще Христé,/ Крéст Тво́й на по́мощь,// сéти
вра́жия удо́брь попира́ем.

31 декабря, Мч. Севасти́ан Медиоланский и дружина его

Стих: Помилуй нас, Господи, помилуй нас, яко по мно́гу исполнимся уничижения: наипаче наполнися душа́ наша поношения гобзующих /

и уничижения гордых.

Имуще дерзновение ко Спасу, святѣи, / моли́те непреста́нно за ны́ грешныя, / оставлѣние прегрешѣний просяще, // и душамъ нашимъ велию милость.

Слава, и ныне, глас 4: Сла́ва Отцу́, и Сы́ну, и Свято́му Духу, / и ны́не, и прѣсно, и во ве́ки веко́в. Ами́нь.

Распина́ема Христа́ Человеколю́бца ви́дящи, Пречи́стая, / и ре́бра ископова́ема копи́ем, пла́чуци вопи́яше: / что́ сие́, Сы́не Мой? / что́ Ты безблагодатнии лю́дие возда́ша, / за яже сотвори́л еси́ добрая́ им, / и тщи́шися безча́дствовати Мя́, Вселюбе́знейший? // Удивля́юся, Благоутро́бне, Твоему́ во́льному распя́тию.

Тропари

Тропарь Мч. Севасти́ан Медиоланский и дружина его, глас 4.

Му́ченицы Твоѣ, Господи, / во страда́ниих своѣхъ венцы́ при́яша нетлѣнныя от Тебе́, Бо́га на́шего, / имуще́ бо крѣпость Твою́, / мучи́телей низложи́ша, / сокруши́ша и де́монов немощны́я дерзости, / техъ моли́твами // спаси́ ду́ши на́ша.

Сла́ва Отцу́, и Сы́ну, и Свято́му Духу, и ны́не, и прѣсно, и во ве́ки веко́в. Ами́нь.

Богородичен по гласу от малых, глас 4:

31 декабря, Мч. Севасти́ан Медиоланский и дружина его

**Де́во Пренепоро́чная, Ма́ти Христа́ Бо́га,/ ору́жие про́йде
Твою́ пресвяту́ю ду́шу,/ егда́ распина́ема ви́дела еси́
волею Сы́на и Бо́га Твоего́,/ Его́же, Благословенная, моля́-
щи не престáй// прощ́ение прегреш́ений нам дарова́ти.**